

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21), na prijedlog Ministarstva zdravstva, Vlada Zeničko-dobojskog kantona, na 108. sjednici, održanoj dana 31.05.2021. godine, d o n o s i

## **ZAKLJUČAK**

### **o usvajanju Programa utroška sredstava planiranih u Budžetu Zeničko-dobojskog kantona za 2021. godinu na poziciji „Ostali transferi za zdravstvo-Tekući transfer zdravstvenim ustanovama za sprečavanje širenja bolesti izazvane korona virusom-COVID-19“ Ministarstva zdravstva**

#### **I.**

Usvaja se Program utroška sredstava planiranih u Budžetu Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21) na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ Ministarstva zdravstva u iznosu od 2.000.000,00 KM (slovima: dvamiliona konvertibilnih maraka), koji čini sastavni dio ovog zaključka.

#### **II.**

Sredstva planirana Budžetom Zeničko-dobojskog kantona za namjene predviđene ovim Zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

#### **III.**

Zadužuju se Ministarstvo zdravstva i Ministarstvo finansija da realizuju ovaj Zaključak, svako u okviru svojih nadležnosti.

#### **IV.**

Zaključak stupa na snagu danom donošenja.

**PREMIJER**

*Mirnes Bašić*

Broj: 02-33-7749/21

Datum, 31.05.2021. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x a/a.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZDRAVSTVA**

**PROGRAM UTROŠKA SREDSTAVA  
PLANIRANIH U BUDŽETU ZENIČKO-DOBOJSKOG KANTONA  
ZA 2021. GODINU  
NA POZICIJI „OSTALI TRANSFERI ZA ZDRAVSTVO -TEKUĆI TRANSFER  
ZDRAVSTVENIM USTANOVAMA ZA SPREČAVANJE ŠIRENJA BOLESTI  
IZAZVANE KORONA VIRUSOM- COVID-19“ MINISTARSTVA ZDRAVSTVA**

**Zenica, maj 2021. godine**

# I UVOD

## 1. Pravni osnov

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), sredstva utvrđena u razdjelu 21, budžetska organizacija 01, potrošačka jedinica 0001 Budžeta -Ministarstvo zdravstva - pozicija „Tekući transferi drugim nivoima vlasti“ i „Tekući transferi neprofitnim organizacijama“, koristit će se prema programima utroška, koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2021. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

## 2. Naziv Programa

Sredstva tekućih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2021. godinu na poziciji „Ostali transferi za zdravstvo - tekući transfer zdravstvenim ustanovama za sprečavanje širenja bolesti izazvane korona virusom- COVID-19“ (u daljem tekstu: Program).

## 3. Ciljevi Programa

Cilj donošenja Programa je finansijska pomoć zdravstvenim ustanovama u uslovima pandemije uzrokovane virusom COVID-19. Sve zdravstvene ustanove korisnici Programa, u provođenju mjera zdravstvene zaštite i liječenju pacijenata pozitivnih na COVID-19, kao i priprema na provođenju vakcinacije imaju dodatne troškove, kako u oganizacionom smislu, tako i u materijalnim sredstvima.

## 4. Izvori sredstava

U Budžetu Zeničko-dobojskog kantona za 2021. godinu na razdjelu 21, budžetska organizacija 01, potrošačka jedinica 0001- Ministarstvo zdravstva, ekonomski kod 614100, pozicija „Transferi drugim nivoima vlasti“ planirana su sredstva u iznosu 4.097.000,00 KM, a u okviru ove grupe transfera na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom- COVID-19“ planirana su sredstva u iznosu od 2.100.000,00 KM. Odlukom o preraspodjeli rashoda između budžetskih korisnika Ministarstvo zdravstva i Ministarstvo za rad i socijalnu politiku, planirana sredstva na ovoj poziciji se umanjuju za 100.000,00 KM, te je predloženi Program urađen na iznos od 2.000.000,00 KM.

Sredstva će se realizovati donošenjem Programa i odluka Vlade Zeničko-dobojskog kantona o odobranju sredstava, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

## 5. Korisnici Programa

Korisnici sredstava planiranih Programom su JU Kantonalna bolnica Zenica, JU Opća bolnica Tešanj, JU Institut za zdravlje i sigurnost hrane Zenica i javne zdravstvene ustanove primarne zdravstvene zaštite - domovi zdravlja sa područja Zeničko-dobojskog kantona. Navedena sredstva predstavljaju pomoć zdravstvenim ustanovama zbog dodatnih troškova koje zdravstvene

ustanove imaju po osnovu nabavke dodatne zaštitne opreme, dezinfekcionih sredstava, PCR i brzih AG testova, potrošnog materijala za PCR testiranje, provođenja vakcinacije i drugih materijalnih i nematerijalnih troškova koji su u funkciji sprečavanja širenja zarazne bolesti i liječenja COVID-19 pozitivnih pacijenata.

## 6. Kriteriji za raspodjelu sredstava

U cilju transparentne raspodjele budžetskih sredstava, cijeneći dosadašnji doprinos koji su imale sve zdravstvene ustanove koje su korisnici ovog Programa, za raspodjelu sredstava korišteni su sljedeći kriteriji:

- Dio sredstava u iznosu od **1.620.000,00 KM ili 81,0%** ukupno planiranih sredstava raspoređen je dvjema bolnicama u kojima se liječe pacijenti oboljeli od COVID-19: JU Kantonalna bolnica Zenica i Opća bolnica Tešanj.
- Dio sredstava u iznosu od **80.000,00 KM ili 4,0%** planiranih sredstava raspoređen je JU Institut za zdravlje i sigurnost hrane Zenica, koji je nosilac aktivnosti na kreiranju higijensko epidemioloških mjera, kao i organizacije procesa vakcinacije na području Zeničko-dobojskog kantona.
- Dio sredstava u iznosu od **300.000,00 KM ili 15,0%** planiranih sredstava raspoređen je javnim ustanovama primarne zdravstvene zaštite uz korištenje sljedećih kriterija raspodjele:
  - Svim domovima zdravlja raspoređen je linearni iznos sredstava u ukupnom iznosu 60.000,00 KM,
  - Svim domovima zdravlja raspoređen je iznos od 170.000,00 KM, srazmjerno broju stanovnika koji gravitiraju svakom domu zdravlja na području Zeničko-dobojskog kantona, a prema broju stanovnika preuzetih iz publikacije „Zeničko-dobojski kanton u brojkama 2020“, koju izdaje Federalni zavod za statistiku, u kojoj je na strani 12. data procjena ukupnog broja stanovnika po starosnoj strukturi sa stanjem 30.06.2019. godine.

<b>Grad/Općina</b>	<b>Broj stanovnika</b>
Općina Breza	13538
Općina Doboj Jug	4078
Općina Kakanj	37079
Općina Maglaj	22730
Općina Olovo	9334
Općina Tešanj	43796
Općina Usora	6393
Općina Vareš	7855
Grad Visoko	39242
Općina Zavidovići	35087
Općina Zenica	109323
Općina Žepče	29837
<b>Ukupno</b>	<b>358292</b>

- Svim domovima zdravlja raspoređen je iznos od 70.000,00 KM, srazmjerno broju oboljelih (pacijenti pozitivni na COVID-19) po gradovima/općinama preuzeti iz Informacije Instituta za zdravlje i sigurnost hrane Zenica i to:

<b>Grad/Općina</b>	<b>Broj oboljelih</b>
Općina Breza	490
Općina Doboj Jug	144
Općina Kakanj	1658
Općina Maglaj	577
Općina Olovo	262
Općina Tešanj	1469
Općina Usora	157
Općina Vareš	304
Grad Visoko	1796
Općina Zavidovići	981
Grad Zenica	3967
Općina Žepče	637
<b>Ukupno</b>	<b>12442</b>

## **II PROGRAM**

### **1. Sredstva za JU Kantonalna bolnica Zenica i JU Opća bolnica Tešanj (planirani iznos 1.620.000,00 KM)**

Za JU Kantonalna bolnica Zenica planirani iznos sredstava iznosi **1.330.000,00 KM**, što predstavlja 66,5% ukupno planiranih sredstava na ovoj budžetskoj poziciji, odnosno 82,1% planiranih sredstava za bolnice, obzirom da se u ovoj zdravstvenoj ustanovi liječe najveći broj pacijenata i to pacijenti sa najtežim simptomima.

Planirana sredstva za JU Opća bolnica Tešanj iznose **290.000,00 KM**, što je 14,5% ukupno planiranih sredstava, odnosno 17,9% planiranih sredstava za bolnice.

Odobrena sredstva za JU Kantonalna bolnica Zenica i JU Opća bolnica Tešanj koristit će se za pokriće troškova nabavke zaštitne opreme i dezinfekcionih sredstava, potrošnog materijala za PCR testiranje, nabavku PCR i brzih AG testova, kao i pokriće drugih materijalnih i nematerijalnih troškova koji su u funkciji liječenja pacijenata

### **2. Sredstva za JU Institut za zdravlje i sigurnost hrane Zenica (planirani iznos 80.000,00 KM)**

**Planirana sredstva će se koristiti za pokriće troškova** zaštitne opreme i dezinfekcionih sredstava, potrošnog materijala i dodanih materijalnih i nematerijalnih troškova vezanih za vakcinaciju.

### 3. Sredstva za domove zdravlja sa područja Zeničko-dobojskog kantona (planirani iznos 300.000,00 KM)

U skladu sa kriterijima navedenim u uvodnom dijelu u sljedećoj tabeli je dat pregled sredstava po svim zdravstvenim ustanovama primarne zdravstvene zaštite:

Naziv zdravstvene ustanove primarne zdravstvene zaštite	Linearni iznos sredstava svim domovima zdravlja	Iznos sredstava srazmjerno broju stanovnika	Iznos sredstava srazmjerno broju oboljelih	Ukupan iznos sredstava
1	2	3	4	6 (2+3+4)
Dom zdravlja Breza	5.000,00	6.423,42	2.756,79	14.180,21
Dom zdravlja Doboju Jug	5.000,00	1.934,90	810,16	7.745,06
Dom zdravlja Kakanj	5.000,00	17.593,00	9.328,08	31.921,08
Dom zdravlja Maglaj	5.000,00	10.784,78	3.246,26	19.031,04
Dom zdravlja Olovo	5.000,00	4.428,73	1.474,04	10.902,77
Dom zdravlja Tešanj	5.000,00	20.780,03	8.264,75	34.044,78
Dom zdravlja Usora	5.000,00	3.033,31	883,30	8.916,61
Dom zdravlja Vareš	5.000,00	3.726,99	1.710,34	10.437,32
Dom zdravlja Visoko	5.000,00	18.619,28	10.104,48	33.723,77
Dom zdravlja Zavidovići	5.000,00	16.647,85	5.519,21	27.167,06
Dom zdravlja Zenica	5.000,00	51.870,85	22.318,76	79.189,61
Dom zdravlja Žepče	5.000,00	14.156,86	3.583,83	22.740,69
<b>Ukupno</b>	<b>60.000,00</b>	<b>170.000,00</b>	<b>70.000,00</b>	<b>300.000,00</b>

Odobrena sredstva zdravstvene ustanove će koristiti za nabavku zaštitne opreme i dezinfekcionih sredstava, potrošnog materijala za testiranje, nabavku brzih AG testova, kao i pokriće drugih materijalnih i nematerijalnih troškova koji su u funkciji sprečavanja širenja zarazne bolesti izazvane COVID 19 i liječenja pacijenata koji nisu hospitalizirani. Navedena finansijska sredstva bit će transferisana zdravstvenim ustanovama, nakon usvajanja Programa, donošenjem odluka Vlade Zeničko-dobojskog kantona o odobravanju sredstava, kojim će biti definisana vremenska dinamika transferisanja sredstava, kao i obaveze zdravstvenih ustanova.

Broj: 02-33-7749/21

Datum, 31.05.2021. godine  
Zenica

**PREMIJER**

*Mirnes Bašić*

DOSTAVLJENO:

1x Ministarstvo zdravstva,  
1x Ministarstvo finansija,  
1x a/a.